



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

X. Naufragium Magdalenae è lacrymis.

[urn:nbn:de:hbz:466:1-70461](#)

Quanta Palæstinis passim contagia campis.
Spargit, ouans toruis sibila silua comis?
Heu! vbi qui sœuos sua vincat ad arma dracones,
Quæque draconigeno nata venena satu?
Magdalis anguicomam sibi si parit aspra Me-
dusam;
Bellerophontæus nunc Amor vltor erit.

X.

*Naufragium MAGDALENÆ
è lacrymis.*

DVM nimis acclinas caput in vestigia
CHRISTI;
Te dolor hausit aquis, naufraga tota peris.
Te tristi exitio vis damnat aquosa doloris.
Quid? dolor his peccat, queis probra purgat,
aquis?
Ergo nouum scelus est Metanœa, vel improbus
error?
Hæc pia si peccat, spes vbi pacis erit?

Amor sanctus respondet.

CREDE mihi, his facies non vna relucet
in vndis;
Sed bicolore biceps dissecat umbra notâ.
En amor hic, odiumque tui natat im pate vultu,
Dissonaque in fluctu dispere belia tonant.
Sollicitosque crient alternâ sorte tumultus,
Hinc amor, hinc odium: par quibus orta salus.
Magdalin istud amat odium verso ordine rerum;
Egregioque odio Magdalin odit amor.
Quæ dū ritè paris, perdis benè naufraga mundū:

G 6.

Mersa

156 BALDVINI CABILLIAVI LIBER V.

Mersa simul mundo vis moriente mori.
Exitium felix! meruit mors ista salutem.
Ah! nisi quis pereat sic semel, vsque perit?

X I.

Oculi MAGDALENÆ gemina
pœnitentia sidera.

QVÆ mundus piceo fuscavit lumina velo,
Purus inaurata nunc face lustrat Amor.
En in Amore duces oculi sine nube, vel umbra,
Cælite iam signant luce salutis iter.
Quod si quando sacro sibi querat in æquore
portum,
Et vehat in lacrymis dux Metanea ratem;
Prouida Diua fugam gemino quo dirigat astro,
Hic Vrsa, hic Helice, conscia signa regent.

X I I.

Dulces lacrymæ MAGDALENÆ.

QUEIS sine labore nitor puris pellucet in vndis,
Perspicuas oculo Magdala rorat aquas.
His premium non vile, decus sed charius auro,
Et sapor in pretio diuite rarus habet.
Nam lego tot gemmas, quot flens dat Magdala
guttas:
Quotque lego gemmas, tot quoq; libo fauos.
I Cleopatra, tuas baccas bibe pauper aceto:
Diuite de lacrymâ gemmea mulsa bibam.

LXXX-